

PAOT TE KŌMĒN TEXANŌN YŌG TIKMŪ'ŪN PU TAPPET KAX'ĀMI I

¹ Ūgmŭn Paot. 'Āte' kax'āmi nŭhŭ' tappet, yā 'āxop pu kax'āmi', yā Kunnix kopa kuxa mām xop pu' kax'āmi kōmēn Texanŏn tu', yā yŭmŭg 'Ātak Topa yŏg xop pu', yā yŭmŭg xuxyā Yeyox Kunnix yŏg xop pu' kax'āmi'. Xinax te 'āxop pe'paxex xix Tīmŏn te' kamah. Pu yā Topa xa hāmmaxnā', xayīy 'ākuxa mām.

'Āxop kuxa mām Topa kopah

² Ūgmŭ'āte Topa pu hām'āktux mōkumak mōg, hu: "Kunnix kopa kuxa mām xop pu 'āmax." Kaxīy. Yā 'āxop pu' max Topah. 'Ūgmŭ'āte Topa pu 'āxop 'āktux mōkumak mōg. ³ Hamŭn, 'ŭgmŭ'āte yāy 'Ātak Topa pu hām'āktux, tu hāmpe'paxex, 'āxop kuxa mām ka'ok, hu hāpxopmā max xohix. 'Āxop te' nōy putup pax, hu 'āxop te hāpxopmā max punethok. Xate yŭmŭg xuxyā Kunnix hip kumaknāg. Hā kaxīy yŭmŭ'āte hāmpekpaxex, tu Topa pu hām'āktux. ⁴ Ūkxape xop, Topa te 'āxop putup pax, tu tikmŭ'ŭn xohix kopa 'āxop yīmōgātux, tu 'āxop mīy Topa yŏg tikmŭ'ŭn xe'e'. Hā kaxīy 'ŭgmŭ'āte pe'paxex, tu Topa pu hām'āktux. ⁵ Hōmā 'ŭgmŭ'āte xa Topa yŏg hām'āpak max'ax 'āktux. Ūgmŭ'āte nōm 'āktux, tu hāpxopmā ka'ok xe'ēgnāg, tu Topa Koxuk mŭtik xa Topa yŏg hām'āpak max'ax 'āktux, tuk mŭg kuxa mām ka'ok Topa yŏg hām'āpak

max'ax kopah. Hōmāg mūg tihi 'āxop kopah, ha xatek mū yōg hāpxopmā max'ax pēnāhā', yāg mūn max xa'. ⁶ Xate 'ūgmūg max pēnāhā', xix yūmūg xuxyā Yeyox yōg, tu nō' max putuk. 'Ūnōy te 'āxop kute'ex kummuk, pa 'āxop te Topa yōg hām'āpak max'ax paha', tu 'ākuxa hittup, yā Topa Koxuk te 'ākuxa hittupmāhā'. ⁷ 'Āxop max, ha 'āmax pēnāhā Kunnix kopa kuxa mām xop te hāpxexka Māxenōn tu', xix hāpxexka Genex tu', tu nō' max kamah, yā 'āxop putuk. ⁸ Hamūn, 'āxop te yūmūg xuxyā Yeyox 'āktux hāpxexka Māxenōn tu', xix hāpxexka Genex tu', yā' xohix yīmap te' yūmmūg, 'ākuxa mām ka'ok. Putep nōy 'āktux putup 'ūgmū'āte'? Puxi'. ⁹ Hōmāg mūg tihi 'āxop kopah, ha 'āxop te topa komut xop nīm, tu ta Topa xe'e pe 'āmōg, ha tikmū'ūn xohix te 'āyīmap te' xupak, tu hām'āktux. ¹⁰ Xate Topak-tok hip, Yā pexkox tu yīxop-tup Topak-tok. Hōmā Topa te yāy kutok Yeyox putpu' hīnnāhā'. Yeyox te yūmūg mōy putup, 'ihā Topa gāy 'ūkummuk xop mūtik.

2

Paot te hāpxopmā max kōmēn Texanōn tu'

¹ 'Ūkxape xop, hōmāg mūg tihi 'āxop kopah, tu hāpxopmā max, 'ap kummuk mīy'ah, 'a yāg mūg hitop ti'ah 'āxop kopah. ² Hōmā tikmū'ūn tek mūg kute'ex kummuk komēn Pinio tu', tuk mūg mānōg, pa hāpxip 'ihāg mūg mōg, tu mōktu 'āxop tuk mūg mōxaha 'ōnte kōmēn Texanōn tu', ha kōmēn Pinio yōg tikmū'ūn tek kute'ex kummuk, 'āxop te' yūmmūg. Pa yūmū yōg Topa tek kuxa hittupmāhā', ha 'āte Topa yōg hām'āpak max'ax

'āktux. ³ 'Ūgmũ'āte Topa yōg hām'āpak max'ax 'āktux, tuk mũ'āte pe'paxex kummuk 'ohnāg, tuk mũ'āte 'ōg hāpxop xak 'ohnāg, tuk mũ'āte 'āxop kupex 'ohnāg. ⁴ 'Ūgmũ'āte putep mũn 'āktux? Topa te nō putup, 'ūgmũ'āte nōm 'āktux mōkumak mōg. Hamũn. Topa tek mūg putup, tuk mũ'ā Topa yōg hām'āpak max'ax hōm, tuk mūg mō'pok, ha 'āte tikmũ'ūn xohix pu nōm 'āktux. 'Ūgmũ'āte putep mũn 'āktux? 'Ok pe tikmũ'ūn te nōm putup pax hām'āktux? 'Ok pe Topa te nōm putup pax hām'āktux? Yā tikmũ'ūn yōg'ah, pa Topa tek mū yōg putup'ax kopit. ⁵ 'Āxop te' yūmmūg. Hōmāg mūg tihi 'āxop kopah. 'Ak mũ'āte xa hā xape komut'ah. 'Ūgmũ'āte 'āxop kupex 'ohnāg. 'Ok 'ūgmũ'āte hām'āktux max, pa 'ōg hāpxop putup? 'Āmhok. 'Ak mũ'āteputup'ah 'ōg tayūmak. Topa te' yūmmūg. ⁶ 'Ak 'ūgmũ'āteputup'ah, puyīy tikmũ'ūn 'ūgmūg 'āktux max. 'Agmũ'āte 'ōg hām'āktux max xak 'ohnāg, xix tikmũ'ūn nōy yōg kamah. ⁷ 'Ūmax, pu Kunnix yōg mō'pok xop tikmũ'ūn yōg hāpxop xak, pak mũ'āte nōm hā xak 'ohnāg, 'a' xat'ax xop putuk'ah, pak mũ'āte xa' hāpxop popmāhā', yā 'ūn tek-tok pu' popmā'ax putuk. ⁸ 'Ūgmũ'āte 'āxop putup pax, hu xa Topa yōg hām'āpak max'ax 'āktux, xix 'āxop pu yāy mũn popmāhā, yāg mũ'āte 'āxop ka'ogāhā'. ⁹ Hamũn, 'ūkxape xop, xate' yūmmūg. Hōmāg mūg tihi 'āxop kopah, tuk mũ'āte hāpxopmā max punethok. Māyōn mōg tox hāg mūg hām, xix 'āmnīy hā, nūy pop hok 'ōg hāpxop xix 'ōg tayūmak, tuk mũ'āte xa Topa yōg hām'āpak max'ax 'āktux.

¹⁰ 'Āxop te' pēnāhā', xix Topa te' pēnāhā', 'ūgmũ'āte hāpxopmāhā max 'āxop pu', yā Kunnix

kopa kuxa mãm xop pu'. Yãg mũ'ãte hãpxopmã max xe'ëgnãg, xix hãpxopmã yok. 'A' hãpxopmã kummuk 'ũm mĩy'ah. ¹¹ 'Ûgmũ'ãte 'ãxop xohix hãg tehe', yã 'ãtak te yãy kutok hã' tehe putuk. 'Ãxop te' yũmmũg. ¹² 'Ûgmũ'ãte 'ãxop xapit, tu 'ãxop kuxa hittupmãhã', tu 'ãxop xapit, xayĩy hãpxopmã max. Topa te nãm putup pax. Topa te 'ãxop yĩmõgatux, xayĩy Topa yõg tikmũ'ũn xop mõkukox, xayĩy Topa max xe'ëgnãg pẽnã'.

¹³ Hõmãg mũ'ãte xa' Topa yõg hãm'ãpak max'ax 'ãktux, ha 'ãxop te' xupak, tu 'ãyĩpkox pip. Xate' pe'paxex, yã Topa yõg hãm'ãktux, 'a' tikmũ'ũn yõg'ah. Hamũn, Topa yõg. Topa te hãpxopmã max 'ãxop kopah, yã' kuxa mãm ka'ok xop kopah, ha mõktuk mũg hittup, tu Topa pu hãm'ãktux, hu: "Ãmax. Ãmax nãm tikmũ'ũn pu'." Kaxĩy. ¹⁴ 'Ûkxape xop, hõmã Yoneo xop te Yeyox Kunnix yõg tikmũ'ũn xop xohik-te'ex kummuk hãpxexka Yonex tu', xix 'ãxape xop te 'ãxop kute'ex kummuk kamah, yã' nõy putuk. ¹⁵ Hõmã Yoneo xop te yũmũg xuxyã Yeyox putex, tu Topa pupi hãm'ãktux xop kix, ha' xakix, tu ta hõnhã yũmũg kute'ex kummuk kamah. Topa te nãm xop putup'ah. Nãm te tikmũ'ũn xohik-te'ex kummuk. ¹⁶ Hamũn, 'ũgmũ'ãte Yoneo xop kũnãpa pip xop pu Topa yõg hãm'ãpak max'ax 'ãktux. Yã Topa yõg hãm'ãpak max'ax te tikmũ'ũn kuxa mãmãmãhã Topa kopah, ha Topa te tikmũ'ũn kuxa kummuk xit, nũy kuxa max mõ'tat, 'ũyãnãn tu'. Ha ta Yoneo xop tep-tup, nũy nãm hã hãm'ãktux kuxyã'. Hã kaxĩy Yoneo xop te hãpkummuk mĩy xexka', ha' gãy Topah, tu nãm kopit, nũy yõg kummuk hã yãnãn.

'Ūgmũ'āte 'āxop xak

17 'Ūkxape xop, hōmā yūmūg yāy xatat hāpxip kutōgnāg hā. Yūmūg yāy xatat, pak mū'āte 'āxop pekpaxex punethok, tu 'āxop xak nām, tu 'ā hak mūg mōg putup pax. 18 'Ūgmũ'āte 'ā hak mōg putup pax. 'Ūgmūn Paot, 'ā hak mōg putup punethok, pa Hāmgāyāgnāg tek kummugā', hak mōg 'ohnāg. 19 Yā hamūn, yūmūg xuxyā Yeyox te putpu' nūn putup, 'ihā 'āxop pip putup Yeyox keppah, tu ta 'āte hāpxop max hip putup, ha 'āxop tuk mūg kuxa hittup putup, tuk mū'āte 'āxop 'āktux xexkap-tup, yā xut'ax 'āktux putup. Yā mō'tat'ax 'āktux putup. 20 Hamūn, 'ūgmũ'āte 'āxop pekpaxex punethok, tu 'āxop tuk mūg kuxa hittup.

3

1 Hōmā yūmūg yāy xatat, hak mū'āte 'āxop xak. 'Āte yāy xatat hā tot 'ohnāg, huk nox xip kōmēn 'Atēn tu', 2 nūy 'ā ha mō'kutnāhā Tīmōn, yāg taknōy, yā Topa pu' hāpxopmā max 'ūgmūtik, nūy Kunnix yōg hām'āpak max'ax 'āktux. 'Āte 'ā ha nō mō'kutnāhā', pu 'āxop mūtik tu hāpxopmā max, xayīy 'ākuxa mām ka'ok nōy nā mōg, 3 xayīy 'āxop xe hāpkummuk mīy hok, tikmū'ūn te 'āxop kute'ex kummuk hah. Yā hamūn, xate' yūmmūg, Topa tep-tup, pu tikmū'ūn yūmūg kute'ex kummuk. 4 Hōmāg mūg tihi 'āxop kopah, tu 'āxop mūtik hām'āktux, hu: “Nōm tek mū'āk-te'ex kummuk putup.” Kaxīy. Yā hāpxip 'ihā tikmū'ūn tek mū'āk-te'ex kummuk. Hamūn. 5 'Āte' hip'ax hā' tot 'ohnāg, hu 'ā ha mō'kutnāhā Tīmōn, pu 'ākuxa mām yūmmūg. 'Ok Hāmgāyāgnāg te 'āmōgāhā'?

'Ok 'ũgmũ yōg hãpxopmã'ax koxyōy? 'Āte' yũmmũg putup.

⁶ Ha ta' mōg, Tīmōn, tu putpu' nũn, tu hãm'ãktux, 'ākuxa mãm ka'ok Topa kopah, tu 'ãxop te yãy putup pax, xix Topap-tup pax. Tīmōn te hãm'ãktux, 'ãxop tek mũ'ã hãm'ãktux max, tu xatek mũg pẽnãp-tup pax. Hamũn, 'ũgmũ'ãte 'ãxop pẽnãp-tup pax kamah. ⁷ 'Ūgmũg xũy, yã nōm tek mũg kute'ex kummuk, pak mũ'ãte 'ãxop yōg hãpxopmã'ax 'ãpak, huk kuxa hittup. 'Ūkxape xop, 'ũgmũ'ãte 'ākuxa mãm ka'ok 'ãpak, tuk mũg kuxa hittup. ⁸ Topa yōg putat max hã 'ãxop mōg kuma mōg, kopxik kuxa hittup. ⁹ 'Ūgmũ'ãte Topa pu hãm'ãktux, hu: "Āmax, timũ'ũn pu'. Tikmũ'ũn max, kopxik mũg kuxa hittup. 'Āmax. Puxi'." Kaxĩy. ¹⁰ Hãptup kopxix Topa pu hãm'ãktux xexka xix 'ãmnĩy, tu hãm'ãktux, hu: "Āpu 'ũgmũg xat, 'ũgmũg mōg tikmũ'ũn hah." Kaxĩy. Hamũn, 'ãxop hak mũg mōg putup, nũy 'ãxop pu hãmyũmmũgã xate nōm yũmmũg 'ohnãg Topa yōg putat max yōg hãpxop.

¹¹ 'Ūgmũ'ãtep-tup, pu yũmũg 'Ātak Topa 'ãxop tuk mũg mō'pok, xix yũmũg xuxyã Yeyox 'ãxop tuk mũg mō'pok. ¹² 'Ūgmũ'ãtep-tup, xayĩy 'ãxop yãy putup pax nōy nã mōg, xix 'ãxop tikmũ'ũn xohix putup pax nōy nã mōg, ha mōktu 'ãxop tek mũg putuk, yãg mũ'ãte 'ãxop putup pax. ¹³ Ha mōktu Topa te 'ãxop ka'ogãp-tup, ha 'ãxop maxp-tup, tu 'ãxop max xe'ëgnãg yũmũg 'Ātak Topa keppah, 'ĩhã yũmũg xuxyã Yeyox te putpu' nũn putup 'ũyãy yōg xop mũtik.

4

Hãpxopmã'ax max, Topa te nôm putup

¹ 'Ûgmũ'ãte xe hãm'ãktux. Hãg mũ'ãte xa' yũmmũgãhã hãpxopmã max, Topa te nôm putup, ha 'ãxop te hãpxopmã max. 'Ãte xa hãm'ãktux xix yũmũg xuxyã Yeyox te xa hãm'ãktux, hu: “'Ãpu hãpxopmã max mĩy nõy nã mõg.” Kaxĩy. ² Yã hamũn, hõmã yũmũg xuxyã Yeyox tek mũg mõ'pok, 'ũgmũ 'ãxop pu hãmyũmmũgã'. Xate' yũmmũg. ³ Topa tep-tup, xayĩy 'ãxop hãpxopmã kummuk kux, nũy ta Topa putuk. Topa tep-tup xayĩy 'ãnõy hã xupxet hok. ⁴ 'Ûmax, pu tik yãy pu xetut xax, nũy nôm mũy, tu hãpkummuk mĩy 'ohnãg. Tikmũ'ũn max te nôm putup. ⁵ 'Ûkummuk, pu tik yãy putup'ax kummuk hã xetut xax, yã puknõg xop putuk, yã nôm te Topa yũmmũg 'ohnãg xop putuk. ⁶ 'Ûkummuk, pu tik yãy taknõy kute'ex kummuk, nũy yãy pu' xetut xax. Hõmãg mũ'ãte xa' hãm'ãktux, hu: “Pa 'ãtix, yũmũg xuxyã Yeyox te nôm kummuk yãnãn putup.” Kaxĩy. ⁷ Topa te yũmũg xat, 'ũyĩy yũmũ nõy hã xupxet hok. Pa Topa te yũmũg xat, yũmũg hãpxopmã kummuk kux, nũy ta Topa putuk. ⁸ Tep te nũ hãmyũmmũgã'ax 'ãpak 'ohnãg? 'Ok tikmũ'ũn yõg hãmyũmmũg'ax 'ãpak 'ohnãg? 'Ãmhok. Yã Topa yõg. Yã Topa te xa' hõm Topa Koxuk.

⁹ 'Ok 'ãte xa putup pax'ax kax'ãmip-tup, yã Kunnix kopa kuxa mãm xop yõg putup pax'ax? 'Ãmhok. 'A 'ãte xa kax'ãmip-tup'ah. Hõmã Topa te xa' yũmmũgãhã', xayĩy xohix putup pax, ¹⁰ ha 'ãxop tep-tup pax Kunnix kopa kuxa mãm xop xohix

hāpxexka Māxenōn tu'. 'Āpu tikmũ'ūn xohixp-
 tup pax nōy nā mōg. ¹¹ 'Āpu hāmyĩmtuk, nūy
 'ōg hāpxopmā mīy, nūy ta 'ānōy yōg hāpxopmā'ax
 kute'ex hok, nūy ta 'āhām, xayīy 'ōg tayūmak pi'. Yā
 hōmā 'ūgmũ'āte xa nōm 'āktux. ¹² Hā kaxīy nōm xop
 kuxa mām 'ohnāg Yeyox kopa te 'āmax pe'paxex
 putup, ha ta' nōy te 'āxop hā' te 'ohnāg putup.

Yūmūg xuxyā Yeyox te putpu' nūn putup

¹³ 'Ūkxape xop, 'ūgmũ'āte-tup, xayīy hāmyūmmūg
 xakix xop yōg hāpxopmā'ax, nūy xakix xop hā
 'ākuxa xūy hok, nūy 'āpota xexka hok, nūy xate'
 putuk hok nōm te hāpxop max hip 'ohnāg. ¹⁴ Yūmūg
 kuxa kopa' yūmmūg, Yeyox xok xe'e', tu putpu' hi',
 tu putpu' nūn putup, ha Topa te Yeyox mūtik xakix
 xop nūnnāp-tup, yā nōm kuxa mām ka'ok Yeyox
 kopa xop nūnnāp-tup. ¹⁵ Topa Xexka te nōm 'āktux,
 hak mū'āte nōm 'āktux. Yūmūg xuxyā Kunnix te
 putpu' nūn putup, 'īhā xakix xop putpu' hip-tup,
 tu' mōg hāmāxap putup Kunnix hah, hak-nāy tu hi
 xop mōg putup Kunnix hah. ¹⁶ Pexkox yōg nū'pok
 xop yōg xat'ax te' xat ka'ok putup, ha' nōy te Topa
 yōg mīxux xop tut kaxyāp-tup, 'īhā yumū xuxyā
 Kunnix mūn te pexkox tu' yīxop-tup! Ha ta putpu'
 hip-tup xakix xop, nōm kuxa mām ka'ok Kunnix
 kopah. ¹⁷ Hag-nāy tu nōmhā hi xop mōgāp-tup
 pepix kamah, tu mōktu' xohix yāy tu nū' nāp-tup
 hāmgōy xexka kopah, nūy yūmūg xuxyā Kunnix
 mūtik mōg. Hā kaxīy nōm te Yeyox mūtik tip-tup,
 tu xe' yāy xatat putup'ah. ¹⁸ 'Āpu tikmũ'ūn kuxa
 hittupmā nū hām'āktux hā.

5

Āpu Yeyox te putpu' nūn'ax hip

1 Ūkxape xop, hām 'ūm hā' xip'ax nōm hāpxop? Mō'āgmū'ax 'ūm? 'Āmnīy 'ūm? Putep putuk putup hāpxop xohix, 'ihā putpu' nūn putup Yeyox? Hām 'ūm hā'? 'Āte' yūmmūg'ah, hu' kax'āmip-tup'ah.

2 Yūmūg xuxyā Yeyox yōg hāptup xupep putup, ha Yeyox te putpu' nūn putup, yā xupxet'ax xupep putuk, 'ihā tikmū'ūn te nōm hip 'ohnāg. 'Āxop te' yūmmūg.

3 Tikmū'ūn te hām'āktux putup, hu: "Yāmyīptuk nūnte. 'A' hām xūy 'ūm pip'ah. Yā' max hāpxop xohix." Kaxīy. Pa hāpxip 'ohnāg 'ihā hām xūy pip mō'ka'ok, tu xohix koxyōy, yā 'ūn tek-tok put xūy putuk, yā' xupep mō'ka'ok. 'Ap nūpap-tup'ah tikmū'ūn.

4 Pa 'ākuxa kopa hāpkoxtap 'ohnāg, hu Yeyox yōg hāptup hip, yā Yeyox te putpu' nūn hip, yā 'ap xupxet'ax xupep'ax putuk'ah xa'.

5 'Āxop xohix yā kuyānām yōg tikmū'ūn, yā hāptup yōg yā 'ākuxa tup. Yūmūg mūn 'a 'āmnīy yōg'ah, 'a hāpkoxtap yōg'ah, pa hāmyūmmūg.

6 'Āpu mō yūmū yōn hok, yā 'ap nōy putuk'ah. 'Āpu yūmū pa ka'ok, nūy hāmpēnā', nūy Yeyox hip.

7 'Āmnīy 'ihā mō'yōn pax tikmū'ūn, yā 'āmnīy 'ihā paptux xop paptux. Yā' kuxa mām 'ohnāg xop te kaxīy.

8 Pa 'āxop yā hāptup yōg. Pu yūmūg pa ka'ok, nūy hāmpēnā', nūy Yeyox hip. 'Āpu yūmū mō'tat kuxa mām ka'ok'ax xix putup pax'ax. Yā nōm te xonat yōg pipkup hā kep xax putuk. 'A hāpxop kummuk te mō'nāp-tup'ah. 'Āpu yūmū mō'tat kama Topa yōg hāpxop max hip'ax. Hamūn, Topa te tikmū'ūn kuxa kummuk xit, nūy kuxa max mō'tat, 'ūyānān tu'. Ta

nõm te xonat xop yõg pipkup hã kuxxax putuk. 'A hãpxop kummuk te mõi'nãp-tup'ah. 'Äpu mõi'tat. ⁹ Topa te yãy ha yũmũg xãnãhã', nũy yũmũ'ã tu' gãy hok, pa yũmũg xuxyã Yeyox Kunnix hã yũmũg kuxa kummuk xit, nũy kuxa max mõi'tat, 'ũyãnãn tu'. ¹⁰ Yeyox te yũmũg pupi' xok, 'ũyĩy nũ mũtik 'ãti', pe yũmũg pip 'ĩhã putpu' nũn Kunnix, pe yũmũg xakix, 'ĩhã putpu' nũn Kunnix. ¹¹ 'Äpu yãy mũtik hãm'ãktux, pu yĩpkutuk tu nõg. 'Äpu tikmũ'ũn kuxa hittupmã'. Yã xate nõm mĩy nõmhã. 'ãpu 'ãhup hok.

'Äpu hãpxopmã te kaxĩy

¹² 'Ükxape xop, 'ũgmũ'ãte xa' xak, 'ãpu hãm'ax xupax, nõm te hãpxopmã max 'ãxop kopah. Yã Topa te nõm yĩmõgãtux, puyĩy 'ãxop mõgã', puyĩy 'ãxop pu hãmyũmmũgã'. ¹³ 'Äpu nõm hãm'ax xupax xexka'. 'Äpu nõm putup pax, tute hãpxopmã max hah. 'Äpu yãy kix hok.

¹⁴ 'Ükxape xop, 'ũgmũ'ãte xa' xak. 'Äpu tuknõgnãg xop pu hãm'ãktux, pu tu hãm. 'Äpu 'ũyĩpkutuk xop kuxa hittupmã'. 'Äpu pu'uk xop hã 'ãtehet. 'Äpu 'ũyõg hãpxopmã max hip punethok. ¹⁵ 'Äpu hãpkummuk mĩy'ax hã yãnãn hok. Pa 'ãpu tikmũ'ũn pu hãpxopmã max 'ãxop. 'Äpu hãpxopmã max mõkuma mõg tikmũ'ũn xohix pu'. 'Äpu yãy pu hãpxopmã max 'ãxop.

¹⁶ 'Äpu yã mãyõn mõg tox hã 'ãkuxa hittup pax xix 'ãmñĩy tox hã 'ãkuxa hittup pax. ¹⁷ 'Äpu Topa pu hãm'ãktux mõkuma mõg. ¹⁸ 'Äpu hãpxop xohix 'ãyĩmap 'ãktux Topa pu', hu: "Puxi'. 'Ämax xohix

pu'. 'Ămax." Kaxīy. Hamūn, Topa tep-tup nōm hăpxopmă'ax 'ihă 'ăxop mōg Yeyox Kunnix mūtik.

¹⁹ Yă Topa Koxuk yōg hăpxopmă'ax kuxyă hok.

²⁰ Hămpe'ăpaxeh hok: "Yă' kummuk, Topa pupi hăm'ăktux xop te hăm'ăktux," kaxīy. Yă' max 'üyōg hăm'ăktux. ²¹ Pa 'ăpu hăpxopmă'ax xohix kopit. 'Ăpu hăpxop max putyōn hok, xix hăpxopmă'ax max putyōn hok. ²² 'Ăpu hăpxop kummuk mīy'ax xohix kux.

²³ Topa te yūmū'ă' hōm hămyiptuk'ax. 'Ătep-tup, pu Topa yăy pu 'ăxop xohix pop, yă 'üyōg xop xe'ėgnăg 'ăxop. 'Ătep-tup, pu Topa 'ăxop pēnă max, yă 'ăkoxuk pēnă', xix 'ăkuxa, xix 'ăyīn, xayīy 'ōg hăpkummuk mīy'ax pip putup'ah, 'ihă' putpu' nūn putup yūmūg xuxyă Yeyox Kunnix. ²⁴ Hamūn, Topa tep-tup nōm hăpxopmă'ax. Tute 'ăxop xănăhă', tu 'ăxop tu' xip ka'ok. Topa tep-tup.

²⁵ 'Ūkxape xop, 'ăpu Topa pu 'ūgmūn 'ăktux.

²⁶ 'Ăpu taknōy xohix pu hăm'ăktux, hu: "Ūgmū'ăte 'ăxop xaxok 'ohnăg." Kaxīy. 'Ăpu xape xop yăy kep hă mūy, yă taknōy max putuk.

²⁷ 'Ăte xa' xak, ha yūmūg xuxyă Yeyox te' xupak, 'ăpu nū tappet mōkupix taknōy xohix pu', xix tukūm xohix pu', yă Kunnix kopa kuxa măm xop pu'.

²⁸ Puyă yūmūg xuxya Yeyox Kunnix xa hămmaxnă'.

Tu ta tu' kux.

Topa Yōg Tappet New Testament in Maxakalí (BR:mbl:Maxakalí)

copyright © 2011 Wycliffe Bible Translators, Inc.

Language: Maxakalí

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Maxakalí

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 21 Feb 2024 from source files
dated 29 Jan 2022
a212b59e-62d7-5a38-9773-b0ce1d5b248b